

Lingua sarda

Na Galipedia, a Wikipedia en galego.

O **sardo**^[3] (***sardu*** en lingua sarda) é unha lingua neolatina propia da Sardeña falada polo pobo sardo. Ata moi recentemente non contou cunha norma común ás diferentes variedades da lingua. Desde 1997 é lingua oficial, xunto co lingua italiana, da Rexión Autónoma da Sardeña, o que impulsou a elaboración dunha proposta de normativa común denominada *Lingua Sarda Unificada* (2001). Na LSU baséase a *Lingua Sarda Común* que se emprega nos documentos oficiais da Rexión Autónoma. Considérase a máis conservadora das linguas derivadas do *latín*.

Índice
<div> <div>Variedades</div> <div> <div>Ámbito de difusión</div> <div>Recoñecemento institucional</div> <div>Vocabulario</div> <div>Morfoloxía e sintaxe</div> <div>Ortografía e pronuncia</div> <div>Notas</div> <div>Véxase tamén</div> <div>Ligazóns externas</div> </div> </div>

Variedades

- Sardo logudorese**, no norte e parte do centro de Sardeña, é a variedade en que se escribiu a maioría da literatura sarda. Comprende á súa vez dous dialectos do logudorés común (*Logudorese comune*) e do sardo nuorés (*Sardo nuorese*); constitúe a forma máis arcaica, con maior prestixio e viveza cultural;
- Sardo campidanese**, falado na rexión histórico-xeográfica do Campidano, na parte centro-meridional de Sardeña; é a variedade que conta con máis falantes; presenta fortes influxos cataláns e toscanos.

Támén se consideran dialectos sardos, aínda que presentan unha estrutura gramatical máis similar ao *corso* e con fortes influxos lígures e toscanos, as seguintes variantes:

- Gallurese**, falado na parte nordeste da illa, en Gallura, é unha variedade lingüisticamente máis próxima ó corso que ó sardo pero considérase parte do sardo.
- Sassarese**, propio da cidade de Sassari, en Porto Torres e en zonas circundantes, posúe características de transición (intermedias) entre o galurés e o logudorés, derivados tamén da forte influencia exercida polos dominadores *pisanos*, *xenoveses* e *cataláns*.

Ámbito de difusión

É falada en toda a illa, coa excepción da cidade de *Alguer* (onde falan catalán), e nas illas menores circundantes, salvo en San Pietro e parte de San Antíoco (onde persiste o dialecto *lígur* tabarquino).

Recoñecemento institucional


A lingua sarda foi recoñecida coa lei rexional N° 26 do 15 de outubro de 1997 como segunda lingua oficial de *Sardeña*, á beira do italiano. A lei rexional aplica e regulaenta algunhas normas do estado italiano en tutela das minorías lingüísticas. Os códigos ISO 639-3 son:

- sardo campidanés: "sro"
- sardo logudorés: "src"
- galurés: "sdn"
- sasarés: "sdc"

Vocabulario

Táboa de comparación das linguas neo-latinas:

Sardo	
<i>Sardu</i>	
Pronuncia:	'sardu
Falado en:	Italia
Rexións:	<u>Sardeña</u>
Total de falantes:	~1 000 000 (1999–2007)
Familia:	Indoeuropea <div> <div>Itálica</div> <div>Románica</div> <div>Románica occidental</div> <div>Románica meridional</div> <div>Sardo</div> </div>
Estatuto oficial	
Lingua oficial de:	 <u>Sardeña</u> ^{[1][2]}
Códigos de lingua	
ISO 639-1:	sc
ISO 639-2:	srd
ISO 639-3:	sro (http://www.sil.org/iso639-3/documentation.asp?id=sro)
	



<i>Latín</i>	<i>Francés</i>	<i>Italiano</i>	<i>Galego</i>	<i>Occitano</i>	<i>Catalán</i>	<i>Portugués</i>	<i>Romanés</i>	Sardo	<i>Corso</i>	<i>Siciliano</i>
clave	<i>clef</i>	chiave	chave	<i>clau</i>	<i>clau</i>	<i>chave</i>	<i>cheie</i>	crae	<i>chjave/chjavi</i>	<i>chiàvi</i>
noctem	<i>nuît</i>	notte	noite	<i>nuèit/nuèch</i>	<i>nit</i>	<i>noite</i>	<i>noapte</i>	notte	<i>notte/notti</i>	<i>notti</i>
cantar	<i>chanter</i>	cantare	cantar	<i>cantar</i>	<i>cantar</i>	<i>cantar</i>	<i>a cânta</i>	cantar	<i>cantà</i>	<i>cantàri</i>
capra	<i>chèvre</i>	capra	cabra	<i>cabra</i>	<i>cabra</i>	<i>cabra</i>	<i>capra</i>	cabra	<i>capra</i>	<i>capra</i>
lingua	<i>langue</i>	lingua	lingua	<i>lenga'</i>	<i>llengua</i>	<i>língua</i>	<i>limbă</i>	limba	<i>lingua</i>	<i>lingua</i>
platea	<i>place</i>	piazza	praza	<i>plaça</i>	<i>plaça</i>	<i>praça</i>	<i>piață</i>	pratha/pratza	<i>piazza</i>	<i>chiazza</i>
pons	<i>pont</i>	ponte	ponte	<i>pònt</i>	<i>pont</i>	<i>ponte</i>	<i>pod'</i>	ponche	<i>ponche/ponti</i>	<i>ponti</i>
ecclesia	<i>église</i>	chiesa	igrex	<i>glèisa</i>	<i>església</i>	<i>igreja</i>	<i>biserică</i>	creia/cresia	<i>ghjesgia</i>	<i>cresia</i>
hospitalis	<i>hôpital</i>	ospedale	hospital	<i>espital</i>	<i>hospital</i>	<i>hospital</i>	<i>spital</i>	ispidale	<i>spedale/uspitali</i>	<i>spitàli</i>
caseus <i>lat. vulg. formaticum</i>	<i>fromage</i>	formaggio	queixo	<i>formatge</i>	<i>formatge</i>	<i>queijo</i>	<i>brânză</i>	casu	<i>casgiu</i>	<i>furmàggiu/caciu</i>

Morfoloxía e sintaxe

En moitos aspectos diferénciase dun xeito dabondo claro do italiano e outras linguas neolatinas, especialmente no verbo, así:

- O futuro simple: fórmase mediante o auxiliar **haber** máis a preposición "a" e o infinitivo. Ex.: appo a narrere (darei), as a narrere (dirás, has de dicir).
- O condicional: fórmase utilizando unha forma modificada do verbo **deber** máis o infinitivo. Ex.: dio narrere (diría), dias narrere (dirías).
- Forma progresiva: fórmase co auxiliar **ser** máis o xerundio. Ex.: so andende (estou indo/andando).
- Imperativo negativo: analogamente ás linguas románico-ibéricas, o imperativo negativo fórmase usando a negación "no" máis o subxuntivo. Ex.: no andes (non vaías/andes).

Ortografía e pronuncia

Non existe unha ortografía unificada. Unha das súas principais características é a chamada **vocal epentética**, que é aquela que en pausa pecha unha palabra que termina en consoante e non se escribe nunca.

Notas

- "Legge Regionale 15 ottobre 1997, n. 26". Regione autonoma della Sardegna – Regione Autònoma de Sardigna.
- "*Testo Unificato n.36-167-228/A*, Regione autonoma della Sardegna – Regione Autònoma de Sardigna" (PDF). Arquivado dende o orixinal (PDF) o 28 de xuño de 2018. Consultado o 03 de xullo de 2018.
- Definicións no *Diccionario da Real Academia Galega* (http://academia.gal/diccionario/-/termo/busca/sardo) e no Portal das Palabras (http://portal.daspalabras.gal/diccionario/procura/sardo) para *sardo*.

Véxase tamén

Ligazóns externas

- Accademia campidanese dei lingua sarda (http://www.acalisa.org) (en sardo campidanés)
- Ditzionàriu online - Dizionario della lingua sarda (https://web.archive.org/web/20121026012840/http://www.ditzionariu.org/) (en sardo, italiano e inglés)
- Sa Limba sarda (http://www.limbasarda.it) (en italiano e inglés, inclúe unha gramática)



Existe unha versión da Wikipedia en ***Lingua sarda***

Traído desde "https://gl.wikipedia.org/w/index.php?title=Lingua_sarda&oldid=5487180"

A última edición desta páxina foi o 11 de xuño de 2020 ás 18:14.

Todo o texto está dispoñible baixo a licenza Creative Commons recoñecemento compartir igual 3.0; pódense aplicar termos adicionais. Consulte os termos de uso para obter máis información.
Wikipedia® é unha marca rexistrada da Wikimedia Foundation, Inc., unha organización sen fins lucrativos.